

Mail kaw na myen hku sa dat ai daw



- Yuptung jahpan hpe masat shading ai aten gaw 2014 March shata 29 ya shana yuptung re. Yuptung jahpan hta la na masat da ai aten hta Myen mung, ga jarit hta shanu nga ai masha yawng hpe yup tung jahpan hta la na re.
- 2014 ning March 29 ya shana yup tung jahpan hta la na masat shading da ai aten hta Myenmung lamu ga jarit hta nga ai masha yawng hpe, amyu baw sang, makam masham, mungchying sha, num/la, asak n ginhka ai sha yawng hpe jahpan hta la na re. Yup tung jahpan ngu ai gaw yuptung jahpan hta la na masat da ai aten laman hta sumla gayet la ai hpa jahkring mi na aten hta kahpring kahprang rai hta la ai lam re.
- Jahpan hta ai ni gaw 2014 ning March shata 30 ya kawn April 10 ya laman kun dinghku shagu hte shawa masha shanu ginra hkan jahpan hta la na re. Jahpan hta la ngut ai nta ni hta jahpan hta la ngut sai lam masat kumla maisau htat shakap da na re.
- 2014 ning April 10 ya du hkra yuptung jahpan sa hta la ai lam n nga ai kun dinghku ni/ shawa masha shanu ginra ni hku nna seng ang ai ni hpe shana ra na re. Seng ang ai ni hku nna jahpan hta la na matu lajang ya na ra ai. Yuptung jahpan hta la ai lam hta mungchying sha yawng shang lawm ai hte, Myen mung mungchying sha ni hte seng ai jahpan/shiga ni hpe tup hkrak jaw ai hku chye la lu na ga ai. Yuptung jahpan kawn lu la ai jahpan/shiga ni gaw simsa lam gaw gap lam, galai shai na matu gram lajang lam, masha hpan/madang shagu a matu tsap ya lu ai lam ni hte, tang du ai masing tara hte masing masa ni ka jahkrat ai lam ni a matu akyu rawng na rai nga ai.





- Yuptung jahpan hta shang lawm ai hku nna sha, nanhte a ra kadawn ai lam ni hte seng nna, mungdan asawn hpajang magam bungli ni ka jahkrat ai hta ka jahkrat bang lu na re.
- Yuptung jahpan kaw na jahpan/shiga ni gaw shim ai hku yup tung jahpan tara upadi kawn makawp maga da nna, tara upedi tawt lai ai rai yang kadai hpe rai ti mung yuptung jahpan upadi hte ahkyak la jeyang na re. 2013 ning July shata hta shagrin masat da ai yuptung jahpan upadi gaw nang jaw dat ai jahpan/shiga ni hpe makawp maga da nga ai.
- Jahpan hta ai wakadai hpe rai tim “seng ang ai ni htuk ya da ai dinghku masha jahpan” n madun ra ai. Yuptung jahpan gaw shading masat da ai aten hta dum nta hkan/shawa hte seng ai hting tsip hkan shanu nga ai ni a lam hpe jahpan hta la ai she re. Lama ‘seng ang ai nihtuk ya da ai dinghku masha jahpan’ hta n lawm tim yuptung jahpan hta la ai aten, dai nta hta nga ang yang jahpan hta la na re. Dinghku masha jahpan hte yuptung jahpan gaw seng hkat ai lam n nga ai. Yuptung jahpan hta la ai aten, na nta hta shanu nga ai ni yawng a lam hpe jaw ai hku htai ya ra ai.
- Yuptung jahpan kaw n lu la ai jahpan/shiga ni hpe mahta nna ahkun hkanse hta ai lam, rim ai lam, shiga matsing la ai lam, teng n teng jep sagawn ai lam zawn re, jahpan hte n seng ai lam ni hpe galaw na ga ai n rai. Yuptung jahpan kaw n lu la ai jahpan/shiga ni hpe yuptung jahpan hte seng ai lam ni hta lai nna, kaga lam ni a matu tsep kawp jai lang ai lam n galaw na matu yuptung jahpan upadi gaw nang hpe makawp maga da ya ai re. Yuptung jahpan gaw yu maya nta dinghku ni, shawa hte seng ai hting tsip hkan na ni (manam jarawp/hpyen dap/ hpungkyi jawng/ tsi rung/htawng zawn re ai ni), hte lak san masha wu hpung (nta nlu ai sha hkrup ai kaw nga ai ni, gaw gap hte seng ai bungli galaw masha ni, sanghpaw daru danam bungli galaw masha ni) yawng hpe jahpan hta la na re.

Matut mahkai na matu

www.dop.gov.mm

<http://myanmar.unfpa.org/census>

